

Juli 11, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15
año

Cumbre di Ministernan di Husticia sumamente exitoso

Andin Bikker a presenta concepto di Letter of Intent pa adelanta mas aplicacion riba temanan di cooperacion

E cumbre di e Ministernan di Husticia di Aruba, Corsou, Sint Maarten y Hulanda cu a tuma lugar e siman aki na Sint Maarten tabata sumamente exitoso.

Un proposicion central di Minister mr. Andin Bikker pa coopera riba tereno di inovacion (applications y software) pa preveni y combati criminalidad a wordo acepta unanimamente dor di JVO (Justitieel Vierpartijen Overleg), caminda cu a firma un Letter of Intent.

Varios participante n'e JVO a aprecia e concepto di Letter of Intent presenta pa Minister mr. Andin Bikker,



cual ta un instrumento huridico hopi flexibel cu lo por conoce mas aplicacion na futuro reunionnan, p'asina por adelanta riba diferente tema di cooperacion.

Minister mr. Andin Bikker ademas a splica JVO ampliamente di e pasonan concreto cu Aruba a tuma pa bay construi un prizon nobo y mientrastanto mehora e facilidad actual.

Delegacion di Aruba ademas a haya hopi compliment di parti varios participante n'e JVO referente e pre-concepto di ley (voorontwerp) pa introduci un base huridico pa un ESTA (Electronic System for Travel Authorisation), APIS (Advanced Passenger Information System) y PNR (Passenger Name Record).

Tambe a trata e tema di Academia di Ley, caminda a acorda cu lo bay haci un esfuerzo pa promove cooperacion riba e tema entre e diferente islanan y e respectivo universidadnan di ley.



**INVEST
SECURE**

We don't just say it ... We Guarantee it !!!

ASIS
INTERNATIONAL

Advancing Security Worldwide®

*Your security protection
partner since 1996*

Tel: 582-7252

Everyone deserves a safe place to work,
live and play.

Lider di fraccion di AVP Marlon Sneek

Vice Prome Minister ta hungando cu Prome Minister

Ta kende a manda e carta cu lo habri frontera aereo?

Fraccion di AVP ta pidi pa Gobierno duna claridad riba e situacion cu Venezuela, esta si frontera ta cera of e no ta cera, si e ta cera pa algun hende y pa otronan e no ta cera, tabata declaracion di lider di fraccion di AVP, Marlon Sneek a haci.

Segun sr. Sneek cos ta bruha pa loke t'e situacion di frontera di Venezuela, ya cu mientras di un banda tin un compania di aviacion local ta anuncia buelonan pa y for di Venezuela y algun dia despues Prome Minister Evelyn Wever Croes ta bin dilanti dialuna ultimo y sigura cu frontera cu Venezuela ta keda cera.

“No ta prome bes cu e cosnan aki ta pasa, caminda Prome Minister ta bay riba un mini tour mundial y e Vice Prome Minister Otmar Oduber ta tuma cantidad di decision den su ausencia y e caso di habrimento di frontera di Venezuela ta otro mas den e serie aki.

Con por ta posibel cu Consejo di Minister a firma un carta, unda a anuncia na Aruba Airlines y tambe na Aviation General, cu lo habri frontera, pero despues Prome Minister Evelyn Wever Croes ta declara di no sa nada di dicho carta. Pero ta su Secretaria di Consejo di Minister manda dicho carta.

Fraccion di AVP ta bay dirigi un carta na Gobierno pa haya aclaracion riba e situacion cu Venezuela, caminda doño di partido POR ta bisa cu diamars frontera ta habri pa su compania W-Aviation por bula jetnan priva, anto di otro banda Prome Minister ta bisa cu frontera ta cera.

“Nos kier claridad riba e situacion aki, nos kier sa si ta bay privilegia hende atrobe, pasobra den hopi medio di comunicacion nos por a sigui con e hendenan aki a haya W-Aviation, cana rond bisa trahadornan eyden cu nan

ta bay bira nan hefe nobo, mientras cu ainda e envelopnan di destaho publico no a wordo habri.

Awor por scucha atrobe un tipo di expresion manera cu frontera a bay habri pa W-Aviation y pa tur otro hende e ta keda cera y e ora tin cu puntra que hubo di tur e otronan, manera esnan cu ta bende berdura cu fruta, cu pa hopi tempo no por a haya nan mercancia for di Venezuela y mester a cera nan negoshi, caminda mama y tatanan a perde trabou, a caso nan no ta conta?

Of nan tambe por bisa cu nan tin ocho barco ta traha cune, duna permiso p'e ocho barconan ey pasa tog, pero dicon e ceramento di frontera no ta conta p'esnan cu ta sponsor partido, pero pa resto di pueblo nada ta conta, nada ta posibel.

Pa nos esaki ta inacceptabel y pesey nos ta bay manda un carta pa pidi claridad riba e asunto aki ya c'un caminda ta lesa cu diamars frontera cu Venezuela ta habri un otro caminda Prome Minister ta bisa cu frontera ta sigui cera.

Asina leu cu nos sa ta un frontera Reino tin y frontera ta cay bou di 'Buitenlandsezaken' y p'e motibo aki nos no por compronde e tipo di expresionnan cu ta wordo haci pa loke ta frontera y nos kier haya claridad pa tur hende sa kico tin di berdad den esaki.

Si di berdad frontera ta bay habri y pakico e ta habri pa un grupo specifico y kico a para cu e islanan ruman cu tambe tin mesun situacion aki cu berdura y fruta no por yega pa nan comunidad, mientras cu aki na Aruba ta bay haci un excepcion pa cierto comerciante y nos kier sa si esaki ta berdad y di con, lider di fraccion Marlson Sneek a declara.

Sr. Sneek a mostra cu lo tin un carta cu ta mostra cu tin un decision riba e asunto di frontera, pero Prome Minister ta declara cu e no tin conocimiento di e carta aki.



Segun e lider di fraccion di AVP, Aruba tin un Prome Minister cu ta biaha hopi, cu e no ta na Aruba, anto su Vice Prome Minister mester cumpli cu su sponsornan anto t'e cosnan aki mester mira lus di dia, e tipo di bagamunderianan aki caminda ora c'un sali e otro ta core pasa documento bou man pa privilegia hende, nos mester sa si esaki ta berdad of no.

“No djis sali bin bisa cu e no ta berdad pero bisa e berdad completo y no bisa cu bo no tabatey, cu bo tabata na Panama, despues bay Swisa, despues bo tabata na Hulanda, anto mi Vice Prome Minister a hunga un wega cumi y nos kier tin claridad riba e asunto aki ya cu ta imposibel cu ta bay habri frontera pa dos pa dos compania, pa dos sponsor, pa dos doño di partido anto resto di pueblo su interes no ta wordo atendi ya cu no por habri frontera pa haya fruta y berdura barata pa alivia e situacion crea pa mesun Gobierno aki,” Marlon Sneek di fraccion di AVP a declara.

ARUBA AILINES

Mientrastanto Aruba Airlines ta menasa di manda hende cas, y manera nan mes a laga publica, si Prome Minister Evelyn Wever Croes mantene e frontera cera, e compania ta obliga di duna retiro masal n'e compania. Nan tabata masha confia cu Gobierno di acuerdo cu nan carta lo habri frontera y cu Aruba ta “puerto di transito” pa bula entre Venezuela y Miami, pero nada di esaki ta berdad. Anto nan tin cu bay over na duna retiro masal.

Situacion ta tenso hasta den propio MEP

Liderazgo ta ser cuestiona pa su silencio y no a defende Sue-Ann Ras di e atakenan frontal di Ricardo Croes

DIA cu a firma acuerdo di gobernacion entre e partidonan MEP, POR y RED, claramente a ser bisa, ora di cualkier diferencia di opinion lo convoca un reunion di e lidernan pa discuti nan diferencia, sin mester bay publicamente y asina lo por garantisa cu lo tin un Gobierno pa 4 aña.

Pero e forma cu Ricardo Croes, lider di RED a ataca e.o. Sue Ann Ras y hasta a recomenda p'e entrega su retiro, sigur ta un asunto cu mester a ser discuti entre e lidernan di partidonan di coalicion.

Corda bon, no a ataca Sue Ann Ras so, pero hasta Evelyn Wever-Croes, Glenbert Croes y algun parlamentario di MEP y esun di POR.

Ora cu algun miembro prominente di MEP a kere cu mando di MEP lo a pone Ricardo Croes na su lugar, p.e. di demanda un disculpa publico, liderazgo di MEP a prefera di keda keto y esaki sigur no a keda aproba. Bisando unicamente cu ta lamenta cu Sue Ann Ras a pidi su retiro no ta suficiente.

No a duna Sue Ann Ras su lugar manera merece, siendo un hende muher pa laga un persona manera Ricardo Croes rebaha un dama, anto di MEP. No por!!

Ainda no ta lat, pa pone Ricardo Croes na su lugar, y e no por kere cu e por haci y deshaci cu candidatonan di MEP, ora cu nan ta diferencia di opinion cu su persona.



No mester tin miedo cu Ricardo Croes, lo no sostene Gabinete Wever Croes mas, pasobra e ora ey e mes lo manda su Minister Rudy Lampe cas.

No ta prome biaha cu por sigui goberna cu 11 asiento. MEP y POR mester por defini con nan ta sigui. Nel Oduber a demostra con e por a goberna cu 11 asiento.

MAS PROBLEMA

Tin mas problema den MEP, p.e. kende lo re-emplaza Sue Ann Ras den Parlamento awor, cu el a pidi su retiro.

Segun secuencia di lista di candidato pa ultimo eleccion, e lo bira Luigi Bergen. Pero cu Evelyn Wever Croes no kier mir'e den Parlamento, si kier duna palabra integridad balor.

Semper e lider di MEP a bisa cu integridad ta halto den su bandera, pero si permiti Luigi Bergen dren-ta Parlamento, kier men ta palabra so esey lo ta.

Pero den mesun rosea ta ser bisa si ta acusa Luigi Bergen di su relacion extra-matrimonial, a ser punta, si tur Parlamentario ta limpi. Hasta ayera a circula un foto di e lider di fraccion di MEP, totuando esaki como MEPflix.

Di acuerdo cu nos informacion ta intencion pa fin di siman awor, MEP lo convoca un reunion di Consejo di Partido pa tuma algun decision clave pa sigui cu futuro di MEP. Maske tin otro sostenedornan cu ta sinti cu e momento a yega of ta yegando, pa MEP baha su propio Gobierno y bay eleccion, ya cu MEP ta bon para, sacando mas asiento y lo por goberna su so y no cu appendix.

Minister Oduber: "Como compania nacional y reconociendo e trabou duro di empleadonan"

Serlimar a ricibi 18 truck nobo pa recoge desperdicio; garantizando continuidad di servicio



ALGUN siman pasa a bin hunto pa haci e entrega di 4 Roll-on Roll-off trucks pa Serlimar. Ayera diaranson 10 di juli a bira e fecha cu Serlimar a ricibi e totalidad di e trucknan, esta, 18 truck nobo pa recoge desperdicio.

E momento ta uno importante pa motibo cu ta haya material/trucknan nobo, pero mas importante ta keda e inicio di un era nobo.

Inicio di e era di economia circular cu nos mester introduci na nos pais, Serlimar como compania nacional ta duna e ehempel di esaki den e acto y pasonan cu nan ta tuma pa futuro, Minister Otmar Oduber ta splica.

Gabinete Wever - Croes a pone un enfasis grandi durante ultimo 18 lunanan aki pa pone Serlimar bek riba pia duna e un lugar prominente den e maneho cu ta wordo carga pa yega na mihor recogemento y maneho di sushi. Manteniendo nos pais limpi pa nos ciudadanonan y mercado turistico.

Minister Oduber a bisa tambe cu banda di e hecho di cu e trucknan tey pa por tin continuidad den e compania p'e servicio den comunidad, nan tey tambe pa duna trahadornan reconocimiento necesario pa sigui haci e trabou.

Un trabou fuerte, duro cu ta wordo haci pafo den diferente bario y localidad rond Aruba y den oficina di Serlimar



Ademas palabranan di pabien a bay na Serlimar, Director, cada chauffeur y demas empleado pa nan contribucion na mehoracion di servicio di e compania. Semper tin espacio pa sigui mehora, pa comunidad por ta orguyoso di nos compania nacional di recogemento di sushi y maneho di desperdicio aki na Aruba.

E proceso a tuma lugar den forma transparente, caminda cu companianan a inscribi y dilanti di miembronan di prensa y notario a percura p'esaki wordo desvela.

El a tuma su tempo, conhuntamente cu financiamiento di Hertz ta sigura cu Serlimar den e proximo 5 añanan tin un lease p'e autonnan aki cu na final ta keda di Serlimar.

Mientrastanto e trucknan bieu, pero cu ta bon manteni ta wordo bendi den exterior na un bon balor. DOW a yuda Serlimar den e bestek cu a wordo prepara for di aña pasa caba, y tur otro cu a yuda den e proceso pa por a yega na e momento special aki, pa cual Minister Oduber a termina gradiciendo un y tur cu di un forma of otro a haci e momento posibel.

Construccion di verkeersplateau na altura di Cocorobana y Caya Frere Laurentius



Departamento di Obra Publico ta informa pueblo di Aruba en general y specialmente nos automobilistanan cu ta haci uzo di e caminda di Cocorobana y Caya Frere Laurentius cu awe diahuebs dia 11 di juli 2019 y diabierna 12 di juli 2019 lo cera e caminda parcialmente p'asina construi dos verkeersplateu.

E verkeersplateu cu lo construi awe diahuebs dia 11 di juli 2019 lo ta dilanti di Cocorobana #13 y diabierna dia 12 di juli 2019, lo traha un otro verkeersplateu dilanti di Caya Frere Laurentius #10.

Rutanan alternativa lo ta indica cu baricada y borchinan di aviso y e orario di trabou lo ta di 8'or di mainta y ta programa pa caba 4'or di atardi. En conexcion cu e trabou menciona Departamento di Obra Publico ta pidi pa tene cuenta cu e inconveniencianan cu lo por surgi pa cual nos ta pidi nos disculpa.

MEP lo bin cu ley iniciativa pa bin cu otro Fundacion pa re-emplaza Lotto pa Deporte



MASKE cu Parlamento ta cu reces, fraccion di MEP so ta sigui traha. Asina p.e. dentro di 3 siman lo entrega un ley iniciativa pa bin cu fundacion nobo pa remplaza e actual Fundacion Lotto pa Deporte.

Esaki tin di haci obviamente cu e storia di Lotto pa Deporte, segun Rocco Tjon. Ta basta awor, debi cu deporte ta wordo perhudica, ya cu no tin fondo disponible.

Ademas tur pregunta haci e.o. na dirigentenan di Fundacion Lotto pa Deporte, te awor, no ta hayando contesta. Despues pueblo lo sa di scoge cu cualkier fundacion nan lo sostiene. MEP no kier cuestiona Huez, mirando cu ya ta 8 dia un veredicto ta ser pospone. Lotto pa Deporte a bin ta sagrando y hasta lo no tin fondo mas pa deporte.

En conexcion cu un Reunion Interno

N.V. ELMAR su servicio di caha y servicio na cliente na Oranjestad, Hato y San Nicolas lo ta cera:
Diabierna 12 di juli, 2019 desde 3:00 PM

Nos clientenan por haci pago na:

- Tur Banco Comercial
- Tur MFA
- WEB Aruba N.V.

Evita para den fila largo y paga online



Danki pa e comprension

Departamento di Storing na 523-7147.

523 7100 | customerservice@elmar.aw

Aruba Bank ta firma acuerdo pa aporta na Stichting Deugdelijk Bestuur Aruba (SDBA)

SDBA ta carga varios proyecto pa sostene “Good Corporate Governance”



“Corporate Governance” ta responsabilidad di nos tur y dor di esaki, Aruba Bank N.V. a firma un “Memorandum of Understanding” (MoU) cu Stichting Deugdelijk Bestuur Aruba (SDBA), representa pa sr. Armand Hessels y sra. Henna Thodé, pa duna sosten n’e proyectonan di investigacion.

E fundacion ta traha pa sigura cu e calidad di practicanan di Gobernacion Corporativo na Aruba ta di bon nivel. E meta di e fundacion ta pa genera conscientisacion den nos comunidad tocante e responsabilidadnan general den direccion di un Aruba saludabel y sostenibel.

E proyecto di investigacion lo sirbi como un base pa trece conscientisacion dentro di nos comunidad tocante e necesidad pa traha di acuerdo cu e normanan di gestion confiabel y pa proteha e bienestar general di e hendenan riba nos isla.

Aruba Bank a cana banda di e comunidad di Aruba pa casi un siglo. Nos obhetivo ta pa nos contribucion na SDBA yega na recomendacionnan significativo di opcionnan cu ta trata e desafionan cu nos comunidad ta enfrenta relaciona cu e asuntonan di e Gobernacion Corporativo.

Nos contribucion ta pa Aruba por haci e “Nationaal Integriteits Onderzoek” basa riba e concepto di “Transparency International”. Nos t’e unico pais den Reino cu no a haci esaki ainda.

Identificando e “gaps” t’e base pa nos por cuminsa cera nan y progresa como pais. Cu e contribucion aki, Aruba Bank ta yuda pa haci un analisis asina realidad cual ta pas perfectamente den nos strategic pillar “We Care”: “

Como e banco mas grandi na Aruba, nos tin e responsabilidad pa sostene un comunidad y ta p’e motibo Aruba Bank ta scoge pa sostene proyectonan manera esun di Stichting Deugdelijk Bestuur Aruba.



Guardacosta ta keda patruya di dia y anochi

GUARDACOSTA ta keda patruya di dia y anochi y ta pone tur su unidadnan disponibel p’asina garantisá seguridad den e awanan territorial di Aruba, Còrsou y Bonaire.

E biahe for di Venezuela p’e islanan ABC ta uno peligroso; Laman ta brutu, e lanchanan mayoria biaha no ta ekipá pa haci un biahe asina y ta hiba demasiado persona na bordo di un forma irresponsabel y sin material di seguridad apropiá.

Esaki ta trece cuné un riesgo enorme p’esnan abordo.

Guardacosta ta suplicá tur persona cu mira algo sospechoso riba laman òf na costa pa yama e number 913. Barconan riba laman tambe por alcansá Guardacosta su Centro di Rescate y Coordinacion via e radio VHF 16 na momento cu detectá algo sospechoso òf peligroso riba laman. Cu yudansa di comunidad y otronan nos por yuda tene e islanan mas sigur.

BO MESTER DI WASTE BUCKET RESIDENCIAL OF COMERCIAL?

ecotech

YAMA

Mr. Bucket

594-3757
mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

RADEX BCMS ta conta cu sistema di registracion y buskeda multi biometrico

RADEX BCMS ta duna e posibilidad p'e oficialnan di Imigracion por investiga un persona cu ta drentando e pais mas profundo dor di usa e sistema di buskeda y registracion multi biometrico. Un persona por wordo busca dor di su carasteristicanan biometrico, cu ta su cara y 10 dede di man, den 'wanted lists' nacional y internacional.

Si e persona wordo haya den e database, e record di e persona por wordo usa pa un investigacion mas profundo. Di otro banda, si e persona no wordo haya den e database, e persona por wordo registra dor di haci uso di su carasteristicanan biometrico.

RADEX BCMS por captura e scan di e cara y 10 dede di man di un persona. Djis dor di click un boton, e procedura di registracion biometrico ta cuminsa cu e seleccion di e caracteristicanan biometrico.

E sistema mes ta indica ora el a captura e cara y e dedenan di man e persona of si e persona mester cambia e posicion di su dedenan pa logra un mihor resultado.

Despues di esaki, e captura di e cara lo cuminsa y un evaluacion en bibo lo muestra e resultado di e potret. Un box di indicacion berde lo aparece ora cu e potret ta cla.

Despues di tur e buskeda biometrico aki, e screen lo muestra e resultado di e scan di e cara y dedenan di man.

E posibilidad tey pa scoge si ta haci buskeda riba cara so of e dedenan di man so, pero e mas recomendabel t'e combinacion di cara y dedenan di man.

RADEX BCMS ta garantisa un control y maneho di frontera mas sigur.



Caribbean Cinemas
Años. Years. Années

PH VIP At Paseo
Herencia
582-3693

PBP Palm Beach
Plaza Mall
586.0074

caribbeancinemas.com
f Caribbean Cinemas Aruba

MORE VARIETY IN PROGRAMMING AND SHOWTIMES NOW WITH 14 SCREENS!

JULY 11-17

HAMLET
NATIONAL THEATRE LONDON
SUNDAY, JULY 14 AT 1:00PM

DAVE BAUTISTA | KUMAIL NANJANI
STUBER
WITH SPANISH SUBTITLES

PH MON-THU 4:10 | 6:20 | 8:30
FRI 4:10 | 6:20 | 8:30 | 10:40
SAT 1:50 | 4:10 | 6:20 | 8:30 | 10:40
SUN 1:50 | 4:10 | 6:20 | 8:30

PBP MON-THU & SUN 2:55 | 5:05 | 7:15 | 9:25
FRI-SAT 2:55 | 5:05 | 7:15 | 9:25 | 11:35

KAYA SCODELARIO | BARRY PEPPER
CRAWL
WITH SPANISH SUBTITLES

PH MON-THU 3:50 | 5:50 | 7:50
FRI 3:50 | 5:50 | 7:50 | 10:00
SAT 1:50 | 3:50 | 5:50 | 7:50 | 10:00
SUN 1:50 | 3:50 | 5:50 | 7:50

PBP MON-THU & SUN 1:35 | 3:35 | 5:35 | 7:15 | 9:35
FRI-SAT 1:35 | 3:35 | 5:35 | 7:15 | 9:35 | 11:35

PBP MON-THU & SUN 2:30 | 4:30 | 6:30 | 8:30
FRI-SAT 2:30 | 4:30 | 6:30 | 8:30 | 10:30

TOM HOLLAND | SAMUEL L. JACKSON
SPIDER-MAN
Far From Home
WITH SPANISH SUBTITLES

PH MON-FRI 5:50 | 8:40
SAT-SUN 3:00 | 5:50 | 8:40

PH MON-THU 5:00 | 7:50
FRI 5:00 | 7:50 | 10:40
SAT 2:10 | 5:00 | 7:50 | 10:40
SUN 2:10 | 5:00 | 7:50

CXC MON-THU & SUN 2:00 | 4:45 | 7:30
FRI-SAT 2:00 | 4:45 | 7:30 | 10:15

PBP MON-SUN 12:55 | 3:40 | 6:25 | 9:10

SPANISH MON-SUN 1:30 | 4:15

TOM HANKS | TIM ALLEN
TOY STORY 4
WITH SPANISH SUBTITLES

PH MON-THU 4:00 | 6:25 | 8:50
FRI 4:00 | 6:25 | 8:50 | 11:15
SAT 1:40 | 4:00 | 6:25 | 8:50 | 11:15
SUN 1:40 | 4:00 | 6:25 | 8:50

PBP MON-SUN 12:55 | 5:25

SPANISH MON-THU & SUN 3:10 | 7:45
FRI-SAT 3:10 | 7:45 | 10:00

VERA FARMIGA | PATRICK WILSON
ANNABELLE
COMES HOME
WITH SPANISH SUBTITLES [R]

PH MON-THU & SUN 7:50
FRI-SAT 7:50 | 10:00

PBP MON-THU & SUN 2:05 | 4:30 | 6:55 | 9:20
FRI-SAT 2:05 | 4:30 | 6:55 | 9:20 | 11:45

CHRIS HEMSWORTH | TESSA THOMPSON
MIB
INTERNATIONAL
WITH SPANISH SUBTITLES [PG-13]

PBP MON-SUN 7:00 | 9:30

HIMESH PATEL | LILY JAMES
YESTERDAY
WITH SPANISH SUBTITLES [PG-13]

PH MON-FRI 5:15
SAT-SUN 2:40 | 5:15

OPENING JULY 18: **THE LION KING, DOLOR Y GLORIA**

THE MAGIC OF THE MOVIES ON YOUR MOBILE DEVICE

Download on the App Store

GET IT ON Google Play

ARUMIL'er a finalisa henter e officersopleiding Marinier na Hulanda



Luitenant ARUMIL Mike Ligtfoot dia 5 juli ultimo a finalisa cu exito su fase 3 y 4 di e Praktische Opleiding tot Officier der Mariniers [POTOM]. E POTOM ta un educacion di 11 luna, unda e aspirant-officieren di Cuerpo di Marina Real mester por demostra cu nan ta apto y tin cualidadnan pa bira un lider, tin conocimiento tactico, ta den bon condicion y fisico.

E prestacion di luitenant ARUMIL Ligtfoot tabata e unico di e oficialnan bao di Milicia di Corsoy y di Aruba (CARMIL) por logra solamente POTOM den fasenan 1 y 2 y mester finalisa nan opleiding pa bira officier na Opleiding Centrum CARIB na Marine Kazerne Suffisant na Corsou.

Cu e prestacion aki, Milicia Arubano a ser mas enriquece cu un extra calidad cu lo colabora pa profesionalisa mas ainda CARMIL. E foto aki, momento cu cursistanan di POTOM ta haci nan entrada cu luitenant ARUMIL Ligtfoot como cargador di vaandel.

Tres homber bringando riba caya, dos a wordo deteni



**TIMESHARE
FOR SALE BY OWNER**



**UNIT # 304 – WEEK 32
1 BEDROOM DELUXE SUITE
SLEEPS 5 PEOPLE**

- 2 X QUEEN BEDS
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR
(BALCONY VIEW OVERLOOKING THE RESORT)

PRICE: \$5,500

**INTERESTED PLEASE CALL 583-1400
DURING OFFICE HOURS**



DIARANSON den oranan di mainta Polis a bay Nijhofstraat pa un pelea. Lo tabata trata di tres hende. A papia di bate y machete. Na yegada Polis a compronde cu ta dos homber jong tabatin problema cu un homber di edad. Kico t'e motibo cu a pone nan bringa y ataca e homber di edad no ta conoci.

Polis a scucha loke a sosode y mesora a detene e dos hombernan mas hoben. Un di nan ta un conoci di husticia, cu algun dia atras a sali di KIA. Nan a wordo separa, y hiba Warda di Polis na San Nicolas.

Auto a perde control y ta dal contra pal'i luz na Sasaki



DIARANSON algo pasa di mey anochi Polis a bay ariba Sasaki, riba e banda cu ta bay pa Oranjestad. Eynan un Kia Picanto a perde control y bay dal contra un pal'i luz.

Na yegada di Polis nan a topa cu e Kia Picanto color blau, pega contra un pal'i luz ranca y dobla den 2.

Segun e chauffeur bayendo zuid, e vehiculo a cuminsa haci straño y esaki a pone baha caminda bay dal contra e pal'i luz.

Por bisa cu ta suerte e chauffeur tabatin tambe, pasobra algun meter eybando tin e tubonan grandi di e borch di trafico, cu lo a causa hopi daño tanto material y personal.

E pal'i luz a keda colga riba caminda, y Polis mesora a avisa Elmar pa drecha esaki. Ambulancenan tambe a presenta y Paramediconan a controla e chauffeur.

RECORDATORIO

Ultimo dia pa paga factura di coriente pa e luna di mei 2019 ta:


DIALUNA - 15 di juli 2019

POR HACI PAGO NA:

- Tur Banco Comercial
- Tur MFA
- WEB Aruba N.V.
- N.V. ELMAR

EVITA PARA DEN FILA LARGO Y PAGA ONLINE

Por favor menciona e number di cuenta cu ta aparece riba e factura di coriente como descripcion di pago.



523 7100 | customerservice@elmar.aw

Plataforma Hobennan Profesional
'Tienda di Ley' ta informa:

Ora un tata reconoce su yiu, esey no nifica cu automaticamente e lo tin autoridad paternal

DEN nos comunidad tin e impresion cu ora bo reconoce un yiu, esaki automaticamente lo nifica cu bo tin autoridad paternal (ouderlijk gezag) como tata.

E impresion y punto di bista aki ta uno erroneo y pa medio di e comunicado aki Plataforma Hobennan Profesional lo kier clarifica y ne mesun momento informa ciudadanonan di Aruba con esaki ta hinca den otro.

Na promer lugar ta importante pa subraya cu un tata por reconoce su yiu si e mama permiti'e y si cumpli cu e otro condicionan menciona den art 1:204 BWA p'e por ta valido. Segun art 1:203 inciso 1 BWA, e mucha ta wordo reconoci dor di un acta di nacimiento compila dor di e ambtenaar di Burgerlijke Stand. Na Aruba e reconocimiento tin valides desde e momento cu e acta wordo traha. Na otro paisnan rond di mundo esaki por diferencia.

P.e. e valides di reconocimiento lo por tin efecto retroactivo desde e nacimiento di e mucha. Loke nos kier pone enfasis riba dje ta cu reconocimiento di un yiu no nifica cu automaticamente bo lo tin autoridad como mayor.

Den e escenario cu e tata ta casa cu e mama na momento di nacimiento di e yiu, esaki lo nifica cu ambos tin ouderlijk gezag.

Den caso di un divorcio, segun nos leynan actual ambos mayor lo mester ta di acuerdo cu continuacion di e gezag.

Esaki den principio ta wordo considera conflictivo cu art. 6 jo. 8 di Tratado Europeo di Derechonan Humano. Segun Corte di Casacion e tata tin derecho di haya gezag sin cu e ta depende di e consentimiento di e mama y sin cu e peticion lo mester sosode hunto.

Loke ta esencial akinan ta, cu e ta na bienestar di e mucha p'e gezag continua despues di divorcio.

Solamente den casonan di excepcion, p.e. e comunicacion entre e mayornan ta deficiente cu efecto negativo p'e mucha e 'gezamenlijk gezag' lo por wordo nenga.

Den e version nobo di nosCodigo Civil si ta tene cuenta cu esaki y e gezag lo continua automaticamente despues di divorcio.



Awor e pregunta ta; con e ta posibel pa tatanan cu no ta casa cu e mama di nan yiu logra haya autoridad paternal?

Den principio e ta posibel via dos manera. E prome manera ta segun art. 1:252 inciso 1 di nosCodigo Civil. Via Corte bo por pidi e formulario pa gezamenlijk gezag. E esencia di e procedura aki ta cu ambos mayor basa riba un punto di bista mutuo ta dicidi pa comparti e gezag di nan yiu of yiunan.

Ambos mayor lo mester yena e formulario y colecta tur e documentonan cu ta wordo pidi dor di Corte.

Unabes cu tur cos ta den ordo e verklaring di gezamenlijk gezag lo wordo otorga y esaki na su turno lo wordo inscribi den registro publico conforme art. 1: 244 BWA. Den un escenario cu no tin un deseo mutuo pa comparti gezag di yiu of yiunan di parti e mama ta existi e posibilidad ainda cu e tata por entama un caso pa exige autoridad paternal. Basa riba art. 1:253C BWA tata cu nunca tabatin ouderlijk gezag di su yiu of yiunan por haci un peticion na Huez pa por haya esaki. Mayoria di biaha e gezag aki lo por wordo otorga n'e tata. Pero logicamente tin un excepcion.

E gezag lo por wordo nenga den caso cu e no ta na bienestar di e mucha pa ambos mayor tin e autoridad riba dje. Un ehempel por ta si tin friccion pisa of comunicacion ta hopi deteriora entre e mayornan di mucha.

Colaborador y huristanan di Tienda di Ley ta spera cu e articulo aki por a informa comunidad y specialmente tatanan na Aruba tocante con pa obtene gezag di nan yiunan.

Den un otro articulo Tienda di Ley lo elabora un poco riba tratadonan relaciona cu derecho of proteccion di nos muchanan. Tienda di Ley ta brinda servicio riba diasabra di 3 pm – 5pm na Cas di partido, pueblo di Aruba ta cordialmente invita pa asisti si acaso ta desea asistencia huridico gratis. Autornan di e articulo aki ta: Gerick Croes y co-autor Wendrick Cicilia, studiantenan di ley..



Minister Glenbert Croes:

“Nos hendenan special lo ta semper prioridad pa Gabinete Wever-Croes”

Y corectamente manera e mandatario a expresa, huzga nos hechonan, pasobra hechonan tin na cantidad cu hopi actividad, cu ta demostra cu nos hendenan special ta central pa Gabinete Wever-Croes.

Hecho: Recientemente Minister President Evelyn Wever-Croes a anuncia e acuerdo cu a logra pa por cristalisa Enseñansa Special Avansa (VSO) pa nos hobennan special cu n’e momentonan aki manera cu nan termina Scol Dununman no tin caminda pa sigui studia mas.

Hecho: Den cuadro di e Crisisplan Social, tur fundacion encarga cu cuido di nos hendenan special tambe ta inclui, hayando e apoyo necesario pa sigura un bon cuido pa nos hendenan.

Hecho: Ademas di esaki Bureau di Ministerio di Asunto Social y Labor a bin ta organisa diferente actividad pa yena e bida di nos hendenan special cu alegria tambe.

Diarazon ultimo tabata otro mainta di musica, canto y alegria pa nos hendenan di Stichting Ambiente Nobo cu tambe ta conta cu apoyo di Ministerio di Asunto Social y Labor.

Un actividad durante cual a reconta en breve di e ubicacion, cu presencia di algun miembro di Cuerpo Policial, cu den e epoca aya a traha n’e edificio aki, esta Warda di Polis bieu di Santa Cruz, caminda awor Ambiente Nobo ta ubica.

Durante e mainta aki a duna danki na ATSA cu t’e Asociacion di Time Share Aruba, kendenan a haci donacion di un frigidaire na Stichting Ambiente Nobo. A duna danki na Minister Dangui Oduber, kende a percura pa nan haya airco y television nobo.

Minister Glenbert Croes a duna danki n’e directiva pa nan amor y aporte na cuido di nos hendenan special. E mandatario a duna un danki special na Darlaine Erasmus y Rochi Geerman pa a organisa otro bunita evento.

Un danki na Lila Mackay di Stichting Ambiente Nobo pa a permiti nos comparti un mainta cu nos hendenan special.

E mandatario a sali cu alegria den su curason lagando atras caranan sonriente di tur presente manera por mira riba portada.

Jonathan “Jeon” Thiel contento di a cumpra su prome auto na Garage Cordia



Jonathan “Jeon” Thiel a cumpra su prome auto y el a haci esaki na Garage Cordia. Pa Jonathan Thiel e tabata un sentimento hopi emocional, pasobra esaki t’e prome auto cu su mes a cumpra. E ta kere cu hopi hende ta sinti asina aki ora nan haya nan prome auto. Pa t’e prome auto di Jonathan Thiel, esaki tabata un bendicion. E ta contento y agradecido cu Dios p’e bendicion.

E ta haya cu su historia cu auto ta uno hopi pret, pasobra casi nunca e no ta gusta stuur auto y semper ta sinta na banda of patras aunke cu el a pasa su rijbewijs cu 18 aña. Jeon su tata a regal’e un jeep cu tabata core 1 kilometer y despues para, unda e tabata basha awa aden y despues sigui bay. El a haya un auto cu tabata para den careda.


“Ora bo ta soña pa tin un auto nobo, bo no ta pasa den e problemanan aki,” el a expresa. E ta sinti cu esaki ta berdad y pa tin un auto nobo e sentimento ta cu e no ta bay dañá.

Jonathan Thiel a gusta e Toyota Camry for di prome biaha cu el a mira esaki. El a pasa diferente agencia prome cu a dicidi di cumpra su auto. Nunca e tabatin un model di auto, pero ora cu el a yega na Garage Cordia, Jeon a sinti cu esaki tabata su auto. Tur cos a bay a base di e *vibe*, pasobra e vibe cu el a sinti na momento di yega Garage Cordia a lag’e sinti na cas. Esey a pone cu automaticamente el a sinti cu e Toyota Camry ta su auto.

Garage Cordia Aruba ta masha contento cu un celebridad internacional manera Jeon, a scoge e auto mas bendi na mundo, p’e por mobilisa den dje na Aruba. Cu esaki a keda demostra cu no ta solamente e auto ta importante, pero e servicio excepcional y atento cu ta brinda cada cliente di Garage Cordia cu ta core un Toyota, ta locual mas ta atrae clientenan nobo. Jeon ta un miembro nobo di e famia grandi di Toyota, no solamente un mihor auto den calidad, pero cu ta conta cu un garashi di mecaniconan experiencia, servicio na cliente excepcional y cu e surtido di piesa mas grandi na Aruba.

Colegio Arubano ta saca cuenta final di Examen Central 2019:

70% A gradua pa HAVO y 78% pa VWO




DIABIerna 5 di juli, e alumnonan di Colegio Arubano a busca nan raport y asina a clausura e aña escolar. E graduadonan di HAVO a festeha e dia ey tur cu tin na Renaissance Convention Center. E graduadonan di VWO a celebra tambe e dia anterior.

Aña escolar 2018-2019 a yega na su fin. Diahuebs, 15 di augustus, scol ta yama e alumnonan atrobe bon bini, despues cu nan a disfruta di un vakantie bon mereci.

Potret:

Graduadonan di VWO y HAVO durante entrega di diploma riba diahuebs, 4 di juli, y diabierna 5 di juli na Renaissance Convention Center.



Despues di e resultado di herexamen, Colegio Arubano por a saca calculacion definitivo di e resultado di Examen Central pa 2019. Di 299 candidato pa HAVO, 70% a gradua. Esaki t'e mesun porcentahe cu aña pasa.

Di e 123 examinadonan di VWO, 78% a gradua. Aña pasa esaki tabata 68%.

Siman pasa, tur conector, mentor y docente a trata raport di tur alumno di tur e klasnan di e scol. Aki'bou tin un compilacion di e resultado pa cada nivel, cu den e ultimo 4 añan, ta refleha un imagen stabil.

Pa aña escolar 2019-2020, Colegio Arubano a haya 350 aplicacion di admision pa prome aña di Ciclo Basico, di cual 58% a wordo admiti.

Pa HAVO-4, Colegio a haya 210 aplicacion di alumnonan cu diploma di MAVO. Di e total aki, 59% a haya admision.

Pa mas informacion, por tuma contacto cu Gilda Kelly di Colegio Arubano.

Mail: gilda.kelly@colegioarubano.aw

Durante celebracion di su di dos aniversario:

Aruba OHILC a reconoce miembronan cu a sobresali durante aña leonistico 2018 -2019

2 miembro nobo a wordo instala



DEN su ultimo discurso como Presidente Leon Ferdinand Curiël a repasa e aña y a gradici cada uno pa haci e aña como uno exitoso tanto local, den zona y districto.

Despues di a gradici tur miembro pa nan contribucion, dedicacion y servicio realisa na beneficio di nos comunidad durante e anochi di instalacion di e directiva nobo di 'Aruba One Happy Island Lions Club' e Presidente saliente Leon Ferdinand Curiël a reconoce e miembronan Leon cu a destaca durante e aña cu a transcuri.

Leon Eugene Dubero a ser reconoci como "Lion of the Year" pa aña 2018 – 2019 pa su dedicacion y aporte excepcional na bienestar di e organisacion y comunidad en general. Miembronan di directiva diario Leonnan Secretario Carla Martinus, Tesorero Geraldine Frank y Comisario encarga cu Afiliacion di Miembronan Junior Arends a ricibi cada uno, un bunita plakaat di reconocimien-to pa nan dedicacion sobresaliente den nan respectivo funcionnan den directiva.

Demas miembronan di directiva Leonnan Armando Boekhoudt, Indra Hassel-Duarte, Leonard Pengel, Richard Tromp, Sergio Duarte y miembronan Carolina Croes, Kenia Brito, Raymond Wever y Angelo Koolman a ricibi un Certificado di Aprecio pa nan dedicacion y aporte n'e organisacion y comunidad.

Por ultimo e directiva diario den nomber di miembronan di club a duna un reconocimien-to special n'e Presidente saliente Leon Ferdinand Curiël pa su liderazgo y dedicacion demostra como Presidente di e club, banda di esaki su persona a ricibi un bunita recuerdo como e Presidente fundador di 'Aruba One Happy Island Lions Club'.

Sigui na pagina 15>



INSTALACION MIEMBROAN NOBO:

Durante e anochi e club di Leonnan 'Aruba One Happy Island' a crece den miembrecia. Leon Doris Eugenio-Lacle, Pasado Gobernador di Club di Leonnan asisti pa Presidente 2018 – 2019, Leon Ferdinand Curiël a efectua un acto special caminda a instala dos miembro nobo den persona di srta. Danielle Ivera y sr. Neil Norton Thomas.

Despues cu e miembronan nobo a hura menta den presencia di nan respectivo mentor Leon Carla Martinus y Carolina Croes, nan a ricibi nan pin y certificado como miembro oficial di Club di Leon di 'Aruba One Happy Island' y asina pasa pa forma parti di e organisacion di Clubnan di Servicio mas grandi na mundo, Lions Club Internacional. Ser un miembro di un Club di Leon, ta mas bien un forma di biba, caminda cu e miembro Leon ta semper atento p'e desaroyo den nos comunidad y ta cla pa yuda pa un mihor mañan, manera e dicho "Where there's a need, there's a Lion", unda cu tin un necesidad, tin un miembro Leon cla pa yuda.

Museo Arqueologico Nacional Aruba hunto cu Fundacion 1403 a presenta e buki nobo:
“The Archaeology of Aruba: The pictographs and petroglyphs”



UN anochi fantastico cu hopi emocion y alegria, bou un dushi ambiente di musica di Sodo y Curo, a tuma lugar e presentacion hopi interesante y informativo di e publicacion nobo “The Archaeology of Aruba: The pictographs and petroglyphs”. E dos autornan arkeologo drs. Harold Kelly y dr. Aad Versteeg a duna un splicacion amplio y hopi informativo di e realisacion di e publicacion. Na final di e anochi aki tabatin e oportunidad pa un y tur por a felicita, intercambia informacion y idea cu e dos autornan.



Riba e mesun anochi den un forma sorpresa a homenagia sr. Francisco ‘Fan’ Croes na kende e publicacion aki a ser dedica. Señor Fan Croes tin un trayectoria di mas cu 30 aña den e mundo di arkeologia di Aruba, gran parti di e investigacionnan di e buki aki ta cu e cooperacion y ayudo di Fan. Actualmente Fan a pasa pa ta un pensionado, pero ta un boluntario activo ainda na Museo.



E publicacion aki ta masha special unda a combina dos pensamento diferente di e dos specialista riba e tereno di arkeologia y ta un catalogo di tur e sitionan arkeologico di Aruba cu tin e pintura riba baranca.



Tambe e ta documenta tur historia di e documentacion di e pinturanan riba nos isla cuminsando for di aña 1827. Siguramente un publicacion sumamente balioso y importante p’e historia di Aruba.



Ta recorda esnan cu a haci nan pre-order cu nan por pasa busca nan buki firma p’e dos autornan na Museo Arqueologico Aruba cu tambe t’e punto di benta principal di e bunita publicacion aki di dialuna pa diabierna for di 8’ or di mainta pa 4 or di atardi.

E publicacion aki lo ta disponibel tambe den e librerianan entre otro Bruna, Van Dorp Aruba y Plaza Bookshop. Un danki grandi ta bay na tur sponser cu a haci e publicacion y e anochi aki posibel cu ta e.o. Prins Bernhard Cultuurfonds Caribisch Gebied, UNOCA y mucho mas.

Diaranson 31 di juli 2019 ta ultimo dia pa haci cambio p'e Buki di Telefon 2020

SI e number di un negoshi of di un cliente no ta aparece corectamente den e buki di telefon, ainda tin chens pa cambia esaki p'e Buki di Telefon 2020.

Pa haci e cambio necesario clientenan por pasa na cualkier Teleshop cu nan identificacion valido.

E deadline pa registra number y adres corecto pa publica den e edicion di Buki di Telefon 2020 ta diarazon 31 di juli 2019.

Actualmente e registro di number ta bay segun e number y adres cu ta registra den e data base di SETAR.

Den e buki di telefon di SETAR e usuario por haya tur informacion tocante producto y servicionan di SETAR di telefon di cas, celular, Internet y cable.

Ademas tin den e buki di telefon e rekisitonan pa por aplica pa cualkier servicio di SETAR y e localidad y orario di tur SETAR su Teleshopnan.

Den e seccion di pagina blanco "white pages" ta haya tur number di telefon fiho di cas of negoshi (cu no ta priva es decir cu no ta "unlisted"), tambe number di celular cu a wordo pidi pa ta listed.



Den e seccion di "yellow pages" ta haya informacion y number di tur negoshi na Aruba den nan diferente categoria. Ademas di esaki e buki di telefon tin e "community pages" den cual por haya informacion y number di tur departamento di Gobierno y fundacionnan, y otro informacion valioso. E buki di telefon aki ta acesibel tambe online na www.arubayp.com

Exitoso curso di Human Resources Management

Presenta pa B&P/Interface Training & Consultancy



E Curso Human Resources Management ta pa miembronan di Management den un Organizacion cu ta dirigi un grupo di empleado.

Tambe pa tur esnan cu ta traha den Departamento di

Human Resources, e curso aki ta esencial, pa tur hende cu tin empleado cu ta traha bou di nan.

E curso ta ofrecebo e oportunidad di adqueri of engrandec bo bista, y conocimiento di abilidadnan den e diferente area nan di Maneho di Personal.

E curso aki a wordo organisa pa B&P/Interface Aruba N.V. Facilitador di e curso ta sra. Cynthia Smith, kende den un forma hopi practico a presenta e programa di HR.

Esnan cu a termina e curso cu exito ta: Enid Laclé-Croes, Tamara Gario, Michelle Gerritsma-Thijssen, Jacqueline Malmberg, Robert Lejuez, Angelique Koolman y Jareza Jacobs.

Un Palabra di felicitacion ta bay na tur esnan cu a termina e curso exitosamente.

IPA a celebra e logro di su 54 graduadonan



RECIENTEMENTE Instituto Pedagógico Arubano (IPA) a tene su ceremonia di graduacion di año académico 2018-2019. Cu orguyo, IPA ta anuncia cu awor nos enseñansa ta conta cu un grupo di 54 maestro cu lo re-enforsa nos educacion na Aruba.

E graduadonan tin diferente specialisacion, e.o., maestro di Enseñansa Primario, maestro di Pedagogisch Didactisch Getuigschrift, Bachelor Hulandes, Estudio di Movecion y Salud Trayecto Cortico y Movecion y Salud Estudio Inicial.

E studentenan cu a gradua den año académico 2018-2019 ta: *Maestro di Enseñansa Primario*: Gislaine van der Linde (mihor graduado), Zaida Aranda Franken, Yuryenne Arends, Cleopatra Brice, Carolien Broeksema, Vanessa Cuba de Galindo, Aymara Franken, Jeaniree Franken, Joann Genser, Marzia Gomes, Shantal Hijmering, Veloushka Krozendijk, Kimberley van der Linden, Damien Lopez, Lixienne Wever, Jo-Anne Alberts, Haydianne Croes, Stacey Croes, Kathleen Croes, Ealeen Ferro Pimienta, Chantalle Giel, Sandra Guzman, Neelam Harilall, Marieanne Hsing, Mandy Jeuken, Solangel Lacle, Shamaira Rodriguez, Lianne Tromp y Krystelle Wever.

Pedagogisch Didactisch Getuigschrift: Gianni Maduro (mihor graduado), Gyseth Arends, Tracey van der Biezen, Vicky Croes, Jeremio Maduro, Faridy Rafeal, Joyce-Ann Sherwood, Jessica Thijsen, Deanira Violinus y Astrid Winterdal.

Sigui na pagina 19>

<Continúa di página 18

Bachelor Hulandes: Juliet van der Linde, Jennifer Nicolaas y Ervilia Struikelblok.

Estudio di Movecion y Salud Trayecto Cortico: Shareen Daal, Jeanpierre Castaño Cardona y Nathan Nicolaas. *Movecion y Salud Estudio Inicial:* Anthony Wever (mihor graduado), Giancarlo Capriles, Christopher Danker, Chrissy-Ann Gomes, Audrey Maduro, Richaline Martina, Kevin Regales, Seanthrick Toppenberg y Tristan Vermeulen.

Durante e graduacion, Directora General drs. Marilyn Richardson a dirigi palabra n'e publico presente, specialmente n'e graduadonan. Den su discurso, drs. Richardson a splica cu den bida tin diferente momento cu nos por categorisa como un momento inolvidabel y pa un estudiante of cursista e momento cu e por ricibi su diploma ta un momento culminante pa clausura un capitulo importante y alabes cuminsa cu e siguiente.

You will move mountains tabata e tema di IPA su graduacion. Segun drs. Richardson, e graduadonan a move e prome sero caba.

Esaki pasobra e logro di por ricibi un diploma ta nifica cu cada graduado a sa di supera e retonan cu a presenta durante nan estudio y cu dedicacion y tremendo perseverancia a logra e meta di bira maestro di scol. Alabes, el a splica cu e Plan di Educacion Nacional PEN2030 t'e instrumento cu como pais nos por uza pa conhuntamente traha riba mehoracion di nos enseñansa.

PEN2030 ta para pa, e.o., responsabilidad comun pa un enseñansa di calidad, "empowerment", respet, mentalidad habri y curiosidad pa siña.

Drs. Richardson a splica cu e graduadonan tin e base aki den nan formacion como maestro, pero awor ta keda na cada un di nan pa keda nutri e balornan aki p'asina laga e vision di PEN2030 bira un realidad y no djis un pensamiento.

Drs. Richardson a termina su discurso bisando e graduadonan cu nan ta dreutando un fase nobo den nan bida y cu e kier recorda nan cu cada fase den bida ta rekeri un version diferente di nan. Esaki simplemente kiermen cu nan tin cu sigui desaroya nan mes constantemente p'asina por cumpli cu e demandanan nobo den nos enseñansa.

E mihor graduado di PDG, Gianni Maduro, a duna un bunita discurso cu sigur a inspira tur presente. Gianni a menciona cu e anochi di graduacion ta hopi special p'e y su compañeronan cu a gradua. E ta representa e clausura oficial di trayectoria di esfuerzo, dedicacion y sacrificio pa por a logra e meta cu nan a pone nan dilanti di logra finalisa nan estudio cu exito.

Alabes, e ta representa un comienso nobo den nan bida, unda cu cada un di e graduadonan tin e yabi pa cambia bida di nos mucha y hobennan.

E mihor graduado di Estudio Inicial Enseñansa Primario, Gislaine van der Linde, tambe a duna un discurso cu sigur a conmove tur presente. El a cuminsa su discurso bisando cu tur graduado ta un mihor graduado riba nan mes, pasobra tur a traha super duro y haci hopi sacrificio pa por ricibi nan diploma.

El a conta cu su inspiracion y motivacion pa bira maestra ta cu desde hoben e semper a stima y yuda mucha. Pa Gislaine un mucha mester ta feliz, e mester haya e amor, guia y atencion cu e merece di un adulto. Pa medio di e profesion di un maestro e por haci esaki. Un otro motivacion ta su tata cu na tur momento a motiv'e y dun'e palabranan di aliento p'e sigui bay dilanti pa logra su meta apesar cu e mes tabatin mester di nan p'e por a sigui lucha contra su enfermedad. Deseo grandi di su tata tabata pa wak Gislaine ricibi su diploma. Lamentablemente, Dios a dicidi otro y su tata no por a presencia su graduacion. P'esey cu un alegria grandi den su curason, Gislaine a dedica su discurso na su tata.

Gislaine a termina su discurso cu un bunita mensahe na su coleganan: "Nos tin e trabou di mas bunita cu por tin, esta educa y forma alumnonan. Anos tin e tarea pa guia e futuro generacion. P'esey semper pone Dios prome den tur cos cu bo ta haci. Laga cu E ta bo guia. Haci bo trabou cu amor, pasenshi y dedicacion y lo bo disfruta di e fruta di bo trabou aki un par di aña. Soña den grandi pero haci cada un soño un meta. Cu stapnan chikito sigur bo lo logra. Nunca no tene miedo di niun obstaculo cu por presenta. Semper lucha pa loke bo kier 'no matter what', confia den bo mes y den bo habilidadnan y sigur lo bo move sero-nanan."

Anthony Wever, mihor graduado di Movecion y Salud Estudio Inicial, tambe a dirigi palabra na esnan presente. Nunca el a pensa cu e estudio di Movecion y Salud lo pone crece como persona y conoce su mes den diferente area cu nunca antes el a descubri di su mes.

IPA a reta Anthony den diferente area, cual a pone realisa cu e por hopi mas di loke e tabata pensa.

Durante su estudio el a wordo brinda diferente oportunidad pa representa Aruba den su deporte den exterior y na un congreso di Olimpiada (56th Youth Participants). Anthony ta sumamente gradecido p'e confiansa y e palabra di elogio ricibi for di IPA cu a pone confia cu e por cumpli cu e biahe y alabes termina su estudio exitosamente.

E anochi aki tabata uno hopi ameno, caminda e comunidad di IPA conhuntamente cu famia y invitado di e graduadonan a celebra nan logro den Morris Lapidus Grand Ballroom di Hilton Aruba Caribbean Resort & Casino. E anochi a finalisa cu hopi ambiente cu e tononan musical di Tsunami.

IPA ta desea tur colega nobo un carrera fructifero y exitoso. Nos ta spera cu Todopoderoso lo guia y duna boso sabiduria pa eherce e bunita profesion di maestro cu hopi amor y dedicacion. Pabien na tur graduado y un feliz vakantie na tur e maestronan y muchanan di Aruba!

B&P cu otro

Exitoso curso Purchasing-& Inventory Management



RECIENTEMENTE B&P/Interface Aruba Training & Consultancy a organisa un curso “Purchasing & Stock Management” A participa varios empleado di diferente empresa den sector priva na Aruba.

Awendia cu e crisis economico global y forsa di compra cu ta bahando, y cu un competencia pisa cu ta lantando cabez na Aruba, ta importante pa bo controla bo inversion y bo compra bon.

Den e epoca aki purchasing mescos cu marketing y benta di e producto ta forma parti di e maneho strategico di bo organisacion. Ta pesey e criterionan cu ta wordo poni n’e persona cu ta traha den e Departamento di Purchasing a bira mas pisa. Cu Purchasing Management bo ta baha inversion nan haci’e den compra y cu Stock Management bo ta logra un bon maneho di inventario, cu ta resulta den un resultado positivo di ganashi pa bo compania.

Den e curso practico aki purchasing ta wordo aserca for di e punta di vista comercial y tin como meta pa engrandese e ganashi di e compania.

E curso aki a wordo presenta pa B & P Interface bou di guia di sr. Elvis Zichem. Participantenan cu a sigi e curso aki ta: Rocheline Paesch, Edmond Tromp, Caroline Dorotaal, Josmary Werleman-Geerman y Joalyne Boekhoudt.

Un palabra di felicitacion ta bay na tur e participante nan cu e mensahe pa pone bek den practica locual a wordo siña.

Pelicula den aire liber pa mucha



CU hopi animo Biblioteca Nacional Aruba ta trece su programa di actividad pa mucha den vakantie grandi. Lo tin presentacion di pelicula den aire liber tanto na Playa como na San Nicolas y Biblioteca MFA Noord, Paradera, Santa Cruz y Savaneta.

Biblioteca ta pasa ‘**Small foot**’ riba pantaya e prome siman, despues ta sigui ‘**How to train your dragon**’, ‘**Wonderpark**’ y ‘**Dumbo**’.

San Nicolas: Biblioteca ta presenta e mesun pelculanan tanto na Oranjestad como na Biblioteca na San Nicolas pa tur mucha di San Nicolas y becindario. Presentacionnan a cuminsa ayera, asina ta sigui 17 di juli, 24 di juli y e ultimo presentacion ta diahuebs dia 31 di juli.

Oranjestad: Presentacion na Playa ta tur diahuebs anochi patras di Biblioteca. Prome presentacion t’awe diahuebs 11 di juli, 18 di juli, 25 di juli y e ultimo presentacion ta diahuebs dia 1 di augustus. E presentacionnan ta gratis y ta cuminsa 7or.

Tur mucha y nan mayornan ta bon bini. Pa mas informacion bishita nos website.



Bon dia yen di alegria!

Scirbi pa Ruthy "Lady Ruth" Vrieswijk-Bergen

UN bon siman colma di salud y alegria pa nos tur. Laga nos cuminsa pa felicita e fanaticonan di e teamnan di futbol cu a gana e campeonato den fin di siman cu a pasa. Nos cu como teenager a wak hopi partido di futbol riba tereno local pa campeonatonan local riba nos dushi isla, a keda un crenchi decepciona den e refreenan internacional, pero ningun wega ta perfecto. Esnan cu a gana a gana.

Nos ta di opinion tambe cu no ta agradabel pa mira un wega di futbol, mientras esnan cu ta transmiti esaki describi e wega kico ta pasando, ta menciona un monton di nomber di fanaticonan den sintonia. Nos personalmente no a gusta e parti ey, e ta kita bo smak y concentracion for di riba e wega.

Un persona a bisa cu pa falta di palabra y creatividad nan ta copia for di esnan cu ta transmiti paradanan di Carnaval. Of ta Tele Aruba kier sa si hopi hende ta sintoniza nan?

Mi ta hopi contento cu por a disfruta di e partido damas Hulanda vs Merca na otro canal, mas serio.

Hulanda a demostra berdad cu e ta top, y nos tambe ta contento cu nan di dos lugar tog, nan a lucha hopi duro y demostra cu nan ta un di e mihornan di mundo.

Awor ban prepara p'e Weganan Olimpico. Ta normal cu bo por lesa tur sorto di comentario riba face book y un di nan cu nos a lesa tabata di un persona cu a critica Hulanda bisando algo di: "Schoenmaker hou je bij je leest di traha keeshi cu klompen", jammer cu no ta tur hende di Aruba, mi ta supone cu e tambe a nace aki, ta stima y respeta nan Madre Patria Hulanda y/of e persona aki no tin ningun famia ta biba na Hulanda, gozando di tur nan beneficianan y bunita oportunidad di sigui crece y bay padilanti.

Naaaaah, bo no por tuma hende asina na malo ta nan humilde opinion. Nan no sa tur cos tampoco. All in all e tabata un fin di siman yen di bunita emocion y nos grupo di tia, tio, prima, primo y ruman a sigui canta nos dushi karaeokee cu nos potente stemnan y a pasa super dushi hunto como un famia grandi uni.

Cada un di nos cu nos talento di canta den nos vos angelical. E dicho di "sucu no sa gaba su mes" ta warda aki den lachi kashi, pasobra, ta tur presente sa canta anto bon!!!

Ta parti di nos autoestima pa bisa esaki cu tur tranquilidad.

Tin cantante di Misa y tin cantante popular cu por canta tur cantica cu no ta solamente di misa. Nos ta den e ultimo grupo aki, having fun expresando nos gratitud y alegria pa bida. Pero nos grupo sa canta bunita den Misa tambe durante cierto misa di alabanza, canta hunto cu henter e congregacion. Pues all around singers. Y na 4 idioma.

Asina bo ta wak, cu musica ta alegre e curason. Y cu ta bunita pa ta positive. Eigenlijk tur hende por canta, un mas mihor cu e otro, pero tur por saca su mesun melodianan di alegria sigur.

Lady Ruth a goza cantando su Jambalaya masha hopi mes. Tin cu ta puntre pa bin cu un di tercer One Woman Show, pero esey no lo sosode. E ta super contento con e prome y di dos show a bay y ta invita boso awor p'e show di su amiga Faritah Luydens, carinosamente artisticamente yama "Tica Basha Abao" den e luna di september y october benidero den Cas di Cultura.



Ban apoya nos artistanan local cu nan tremendo actuacion cu curason. Ah si!

Pabien na tur nos studiantenan cu a slaag y of bai over y n'esnan cu tin cu dobla, sigui haci boso best, no ta tur hende por haci tur cos den un dos tres, tin biaha ta tuma un crenchi mas tempo. Goza di boso vakantie, corda yuda na cas y corda bishita bo grandinan. Exitu mas oro pa otro aña escolar.

Ta dushi pa lesa buki, algo dushi pa haci den vakantie tambe. Pabien na escritor autor Yolanda Croes cu su buki nobo. Tur Yolanda su bukinan ta interesante, informativo y educativo. Nos ta orguyoso riba nos mesun hendenan exitoso riba nan tereno di literatura y storianan interesante. Danki di curason pa lesa nos relato tambe cu hopi atencion. Pasa un dushi dia yen di alegriaa!!



**Wardami, O Dios, pasobra den Bo
mi ta tuma refugio.**

Salmo: 16

**Cu inmenso dolor na nos curason, pero
conforme cu e boluntad di Señor nos ta
anuncia fayecimento di nos ser stima:**

Emma Dijkhoff- Dijkhoff

***5-12-1939 + 7 juli 2019**

Na nomber di:

Su yiu: Harold y su esposa Vanessa Dijkhoff-Franco

Su esposo: + Andres Dijkhoff

Su yiunan: + Frederick Dijkhoff
+ Haime Dijkhoff

Nietonan: Andrew, Naydine y Joaline Dijkhoff

Rumannan: +Thomas Dijkhoff y famia
Martin Dijkhoff y famia
Lita Gonzalez -Dijkhoff y famia
+Tony Dijkhoff y famia
Maggie Dijkhoff y famia
Venancio Dijkhoff y famia
Vicky Dijkhoff y famia
Fransisco Dijkhoff y famia
+ Juan Dijkhoff y famia
Aurora Dijkhoff y famia

Swa y cuñanan: + Ricardo Dijkhoff y famia
+ Lucila Geerman y famia
+ Agnes Bremer-Dijkhoff y famia
Julieta Maduro-Dijkhoff y famia
+ Sebastian Dijkhoff y famia
+ Lucia Geerman-Dijkhoff y famia
Josefa Dijkhoff
Maikel Dijkhoff y famia

Amiganan di cas: Lucia Dijkhoff y famia, Mercedes Bautista y
famia y Mary Rasmijn y famia

Demas famia: Dijkhoff, Petrochi, Kelly, Tromp, Heide,
Franco, Muyale, Quant, Habibe, Bonarriba,
Gonzalez, Giel, Hernandez, Boekhouwer,
Bautista, Rasmijn, Vrolijk

**Ta invita pa asisti na e condolencia y acto di despedida, cu ta tuma
lugar na Misa Santa Filomena na Paradera diabierna 12 di juli 2019 di
9or pa 11or di mainta.**

Nos ta pidi nos disculpa cu despues di entierro nos no por ricibi bishita di
condolencia na cas, y si den nos tristeza nos por a lubida un of otro famia.



Royal Aurora Funeral Home & Crematory

Cu dolor nanoscurasonperohopiagradecido pa tur locual e la
nifica y haci pa nos, nos ta anuncia a bay drumi den brasa di
Señor:



Carmen E. Luydens-Lampe

Cariñosamenteyama: "Shon Ca"
*15-07-1936 - †09-07-2019

Acto di entierro y cremashon lo wordoanunciadespues

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.

E ta hibami na awa trankil,
Pa mi bolbe haña forsa".

Salmo: 23

Nos ta anuncia fayecimento di:



Mirella Omira Tromp

*28-03-1973 - †10-07-2019

Acto di entierro lo wordo anuncia despues.



“ Laga e muchananbiniserkaMi,
No kitanan di bini,
Pasobra reino di Dios tapertenesé
Naesnan manera nan “
Mateo 19:14

Cu hopi tristeza pero conforme cuboluntad di dios, nos ta participa fayecimento di nos angelito hopi stima:

D’AngeloDjoenWebb

Yama cariñosamente D.G.
*27-01-2004 - 04-07-2019

- Na number di su mama: Lisbeth Webb
- Tata: AngeloLaurant
- Rumanan: Bryan Webb
LiandroWebb
Ozzie Webb
- Welanan: Lucita(Chita) Webb-Geerman
Sandra Laurant
- Welonan: Martin Webb
Charles de Lima
- Tantanen: Patricia Laurant y famia
Valeska Laurant
- Omonan: Raul y NekeWebb
Gilbert y Jo-Ana Kelly
Dennis y NatushaWebb
Sergio y ShahairaLaurant
- Primanen: AdiaLaurant
Diandra Webb
Tatiana Cuba
G’ Ana- Marie Kelly
- Primonan: IsaiasWebb
Jacob Webb
Gilbert Kelly
Gilmer Kelly
- Madrina: EdisonaCardoze
- Padrino: RaulWebb

Demas Famia: Webb-Laurant-De Lima- Geerman- Kock-Perez- Matos- Tromp- Krozendijk- De Cuba- Angela- Willems-Arcaya- Cuba- Kelly- Boekhoudt- Paesch- Kransen- Orman-Britten- Wever- Thode- Maduro- Koolman- Lopez- Peinado-Farro- Rombley- Chirino- Guanipa- Croes- Lampe- Melendez-Laker- Castellanos- Leon- Cardoze- Eights.

Ta invita tur bisiña y conocirnanpaasistina e acto di entierro cual lo tuma lugar diasabra 13 juli 2019 na misa Santa Anna naNoord.

Resto mortal di nos angelito lo ta reposa for di 2or di atardi den misa y pa 4or di atardi saliendo di misa Santa Anna pa Santana CatolicoNoord.

Lo baytin un box disponibel den misa pa un bon causa.

Condolencia lo tuma lugar riba siguentedianan y na cas Kamay 12 B:
Dialuna 8 juli 2019 for di 7or pa 9or di anochi.
Diaranzon 10 juli for di 7or pa 9or di anochi.

Nos kier a pidi nos disculpa si den nos tristesa nos por a lubida un of otro famia.

Ta lamenta pero despues di entierro nos no taricibibishita di condolencia nacas.

Ta desea pafamia no binnarouw, sino ta desea pabinna Baby Blue.

Detencion relacioná cu un caso di estafa



WILLEMSTAD - Diamars 9 di jüli 2019, alrededor di 11.55’or di mèrdia, Polis a detené e hòmber sospecho-so **M.N.I. nasé na Còrsou, di 34 aña di edad**, relacioná cu un caso di esta-fa cu a tuma lugar den aña 2018.

E sospechoso aki tabata laga su cli-entenan depositá sumanan di placa riba su cuenta di banco p’asina e por cumpra auto na Merca pa nan.

E sospechoso ta-bata estafá su cli-entenan y keda sin entregá nan e auto deseá. Deten-cion di e sospecho-so a tuma lugar den área di Santa Catharina.

A presentá e sos-pechoso dilanti di un Fiscal auxiliar kende a ordená su encarcelamento pendiente di mas investigacion.



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento Cristianamente di nos primo, omo, ruman y yiu stima:



Anselmo Simeon Tromp
*21-04-1953 - †04-07-2019

- Na number di su:
- Tata: -†Selestino Tromp
- Mama: Romana Tromp Tromp
- Rumannan: Pascualita Tromp & yiunan na Hulanda
Leonora Tromp & yiunan na Hulanda y Aruba
Escolastica Tromp & yiunan na Hulanda
Orasio Tromp na Hulanda
†Felisita Amalia Tromp & yiunan na Hulanda
Leticia Tromp & yiunan na Aruba y Hulanda
†Apolonio Daniel Tromp
- Subrina stima: Rebecca & esposo Hendrik Webb y yiunan
- Omonan: Asinto Tromp
Damasco Tromp
- Subrinanan y subrinonan na Aruba y Hulanda
- Prima y primonan na Aruba Y Hulanda
- Swanan: Wilfred De Cuba
Bisente Croes
- Cuñanan: Rosa & yiunan na Hulanda
Bernadina Hulia & yiunan na Hulanda
- Y demas famia: Tromp, Franken, Wolff, Faro, Croes, Henriquez, De Cuba, Schaap, Brigita, Geerman, Arends, Britte, Maduro, Giel, Boekhoudt, Hoek, Werleman, Kelly, Ruiz, Figarouba, Gomes, Aparicio y Webb kier a invita tur amigo bisiña y conocir pa asisti na e acto di entierro cual lo tuma lugar diabierna 12 di juli 2019 na misa Santa Anna di 2’or pa 4’or pm despues saliendo pa Santana catolico na Noord.
- Oportunidad pa condolencia: diahuebs 11 di juli 2019 na Aurora Funeral Home di 7’or pa 9’or pm.
- Nos disculpa si nos por a lubida algun famia den nos tristeza y alavez kier a anuncia cu despues di entierro nos no lo ricibi bishita di condolencia na cas.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL